

Kalaallit-nunaanni nunat allamiut pillugit inatsisip allannguutissaata atuutilernissaanut aalajangersagaliornissaq pillugu Inatsisartut aalajangernissaat pillugu siunnersuumut oqaaseqaateqarnissaq (Nunamut isernissamut malittarisassat ataatsimoorussat allassimangitsut (isernissamut malittarisassat) pillugit peqqussummik pilersitsinissaq, paasisassarsiorluni suliaqarnerit assigisaallu pillugit maleruagassanik aalajangersaanissamut pisinnaatitaaffilliinissaq.)

Akissutitut allakkiaq

(Inuussutissarsiornermut Aatsitassaqaqarnermullu Naalakkersuisoq)

Ataatsimiititaliap naammattumik isumaliutissiissutaanut Naalakkersuisut qujarusupput.

Ataatsimiititaliap apeqqutilliissutitut erseqqinnerusumik nassuiaammik pissarsinissaq siunertaralugu Inatsisinik atuutsitsinermit Ministereqarfimmut saaffiginnissuteqartoqassasoq isumagissavara. Kalaallit Nunaanni suut atuuttuunissaannut sunniuteqarnissarput, tusarniaaffigeqqaarnatalu suliaqarfimmi EU-p aamma Danmarkip aalajangersakkanik aalajangersaaginnarsinnaassannginnerat soorunami Naalakkersuisunut pingaaruteqarpoq. Taamaattumik ataatsimiititaliap saqqummiussaa ajornartorsiutaasoq pingaarutalik Naalakkersuisut isumaqarfigaat – Kalaallit Nunaata aamma Danmarkip akornanni passinik nakkutilliinermik kiffaanngissuseqarnermik immikkut ittumik aaqqiissuteqarnitta attatiinnarnissaanut EU-mit piomasaaqat tunngavigalugu Kalaallit Nunatsinni qanoq annertutigisumik akuerinnillutalu naleqqussaasariaqassaagut?

Piffissap ingerlanerani nunap killingata isumannaarnissaanut nutaanik piomasaaqateqalersitsinissaq pisariaqarsinnaasoq paasinarpoq, ilanngullugit Schengimi killeqarfiit, suulli angerfiginerigut paasissallugu piumaneruarput. Taamaattumik ataatsimiititaliamit allannguutissatut siunnersuut Naalakkersuisut taperserpaat. Isumaqarpoq ingerlatap ingerlateqqinnsisaa. Nunap allamiunut inatsimmut atuutsitaqarnermut tunngatillugu oqaaseqaat tassaalissaaq maannakkut siunnersuutigisatut allannguutit atuutsinneqalernissaat taperserigut, kissaatigaarpulli siunissami allannguutissat suli Naalakkersuisunut saqqummiunneqartassasut, imaaliinnarlutillu Kalaallit Nunaannut atuutsinneqalertassanatik.

Matumuuna Inatsisinut ataatsimiititaliap allannguutissatut siunnersuutaa Naalakkersuisut akuersissutigisassanngorlugu innersuussutigaat.

Taamatut oqaaseqarlunga oqallittoqarluassasoq kissaatigaara.